

無註

節

東行西步失其次舍乾侯野井昭君
喪居

按春秋昭公二十五年公孫于齊
次于陽州至于野井二十六年居
于鄆三十二年卒于乾侯

渙

高飛視下貪叨所在腐臭為患害於
躬身

無註

中孚

神鳥五采鳳凰為主集於山谷使年
歲有

無註

小過

石門晨關荷蕢疾貧遁世隱居竟不
逢時

石門地名關當作啓語云有荷蕢
而過孔氏之門者註云荷蕢隱士

既濟

齟齬齟齬有鬼相責無有權怡一日
九結

未濟
齟齬玉篇無齟齬倪結切噬也

白日揚光雷車避藏雲雨不行各止
其鄉

無註

☱☱
☱☱
艮上
艮下
艮

君孤獨處單弱無輔名曰困苦

無註

之乾

憂驚已除禍不為災安全以來

無註

坤

穿匏挹水筐鐵燃火勞罷力竭飢渴

為禍

匏瓠也

屯

蹇牛折角不能載粟災害不避年歲

無穀

無註

蒙

邑將為虛居之憂危

無註

需

根削殘樹華葉落去卒逢火焮隨風

僵仆

焱音焰

訟

元后貪欲窮極民力執政乖于為夷
所偏

乎當作互

小畜

辰次降婁王駕巡時廣祐施惠國安
無憂

降婁星名

比

高原峻山陸土少泉草木林麓嘉禾
所炎

無註

師

北山有棗使叔壽考東領多粟宜行
賈市陸梁雉雉所至利害

語山梁雌雉時哉時哉

履

鞫鞫鞫鞫歲暮偏弊寵名損弃君衰
於位

鞫音田鞫音雷

泰

放銜委轡肆亂不制法度無恒君失
其位

無註

否

獨坐西垣莫與言笑秋風多哀使我
心悲

無註

同人

脛急股攣不可出門暮速歸旅必為
身患

無註

大有

情偽難知使我偏頗小人在位雖聖何咎

無註

謙

黍稷醇釀敬奉山宗神嗜飲食甘雨嘉降庶物蕃無時無災咎

詩甫田篇云以祈甘雨以介我稷黍又楚茨云神嗜飲食卜爾百福

豫

公子王孫把彈攝丸發輒有獲室家饒足

無註

隨

陰升陽伏舜失其室慈母赤子相餒

不食

無註

出盤

七竅龍身造易八元法則天地順時
施恩利以長存

聖人心有七竅伏犧蛇身人首
河中龍馬負圖則而書之以畫八

卦

臨

逐孤東山水逼我前深不可涉失利

後便

無註

觀

銜命辱使不堪其事中墜落去更為
負載

無註

噬嗑

溫仁君子忠孝所在入閨為儀禍苗
不處

無註

賁

春多膏澤夏潤優渥稼穡成熟畝獲
百斛師行失律霸功不遂

易師象曰師出以律失律凶也

剝

二女共室心不聊食首髮如蓬憂常
在中

無註

復

築關石顛立本泉源疾病不安老狐
為鄰

無註

无妄

欲避凶門反與禍隣顛覆不制痛薰我心

無註

大畜

跋行竊視有所畏避裡首伏藏以夜為利

無註

頤

八面九口長舌為斧劈破瑚璉殷商絕後

未詳

大過

和氣相薄膏澤津液生我嘉穀

無註

坎

消金厭兵雷車不行民安其鄉

無註

離

秦儀機言解其國患一說燕下齊襄以權

蘇秦主從張儀主衡秦事燕儀事秦張儀歸報秦王復使東說齊

咸

旦奭王輔周德孔明越裳獻雉萬國

咸康

周公旦召公奭二人夾輔周室以致周家疆盛交趾南有越裳氏重三譯而來獻白雉

恒

弱足則跟不利出門賈市無盈折亡為患

無註

遯

堅冰黃鳥帝哀悲愁不見白粒但覩
藜蒿數驚鷺鷥為我心憂

無註

大壯

魂微憒憒屬續聽絕曠然大通復更
生活

憒音輟

晉

陰生獐鹿鼠舞鬼哭靈龜墜處一云
靈鼠陸處鬼哭鼠舞雨翫草生仁知
敗國桀亂無緒

無註

明夷

諸石攻玉無不穿鑿龍體具舉魯班

為輔 麟鳳成形德象君子

無註

家人

山作天時陸為海口民不安處

無註

睽

東風啓戶隱伏歡喜萌庶蒙恩復得

我子

無註

蹇

華燈百枝稍暗衰微精光欲盡奄如

灰靡

無註

解

三十無室寄宿桑中上宮長女不得
來同使我失期

無註

損

外與石聞糜碎無疑動而有悔出不

得時

無註

益

秦兵爭強失其貞良敗於殽鄉

秦穆公違蹇叔之諫命孟明伐晉

師敗于殽

夫

虎除善猛難為攻醫驥窮鹽車困於

銜箠

驥良馬服鹽車而上太行之阪遇

伯樂輒長鳴出戰國策

遘

操笥搏狸荷弓射魚非其器用自令

心勞

無註

萃

葵丘之盟晉獻會行見太宰辭復為
還輿

按春秋僖公九年齊侯盟諸侯于
葵丘宰孔先歸遇晉侯曰可無會
也齊侯不務德而勤遠畧無勤於
行晉侯乃還

升

臄詐龐子夷竈盡敗兵伏卒發矢至
如雨魏師驚亂將獲為虜洵死樹下
史記齊軍入魏地用孫臄之計滅
竈以示怯伏兵馬陵期暮見舉火
則發諸軍如約萬弩夾道而起魏
兵大敗龐涓自剄死虜太子申

困

南行出城世得天福王姬歸齊賴其所欲

詩何彼穠矣王姬下嫁於諸侯而
一作也其曰平王之孫齊侯之子註
云平王即平王宜曰齊侯即襄公
諸兒事見春秋

井

冬采微蘭地凍堅難利走室北暮無所得

無註

革

王僑無病狗頭不痛亡屐失履之我送從

僑當作喬古仙人名一作三尸失履見隨之解狗作苟見謙卦

鼎

宛馬疾步盲師坐御目不見路中宵不到

漢大宛有良馬

震

求利難國亡去我北憂歸其城反為吾賊

無註

漸

比目四翼安我邦國上下無患為吾

喜福

無註

歸妹

八材既登以成股肱厖降庭堅國無災凶

高陽氏才子厖降庭堅其二子也

五

臺灣國家圖書館 NATIONAL CENTRAL LIBRARY, TAIWAN, R.O.C.

豐

稍弊穿空家莫為宗為身作凶一云
宗字下云奴婢逃走子西父東

無註

旅

鳥舞國城邑懼卒驚仁德不修為下
所傾

無註

巽

三穀不熟民苦困急亟之南國嘉樂
有得

無註

允

黃裳建元福德在身祿祐洋溢封為
齊君賈市無門富寶多殮

易坤六五黃裳元吉文在中也

渙

齊東郭廬嫁於洛都驪婦美好利得
過倍

齊棠公之妻東郭偃之姊也驪婦
晉獻公之嬖人也

節

安牀厚褥不得久宿弃我嘉宴困於
南國投杼之憂不成禍災

戰國策秦甘茂曰魯人與魯參同
姓名者殺人人告其母母曰吾子
不殺人織自若三告之其母懼投
杼踰垣而走

中孚

內崩身傷中亂無常雖有美粟不我
食得

無註

小過

出門逢患與禍為怨更相擊刺傷我
指端

無註

既濟

出入節時南北無憂行者函至在外
歸來

無註

未濟

公孫駕驪載游東齊延陵說產遺季
紵衣

左傳產鄭大夫子產季吳公子季
札聘於鄭子產獻以紵衣

易林卷第十四

三三巽上
艮下漸

別離分散長子從軍稚叔就賊寡老
獨居莫為種瓜

無註

之乾

旦種菽豆暮成藿羹心之所願志快

意匿

無註

坤

杜飛門啓憂患大解不為身禍

一作修福行善不為身禍

屯

東山西山各自止安雖相登望竟未

同堂

無註

蒙

衆鳥所翔中有大恠九身無頭魂驚魄去不可以居

未詳

需

交侵如亂民無聊賴追我濟西敵人

破陣

我當作我春秋莊公十八年公追我于濟西公羊傳曰此未有言伐其言追何大其為中國追也

訟

麟鳳所翔國無咎殃賈市十倍復歸

惠鄉

無註

師

鑿井求玉非卞氏室身困名辱勞無

所得

卞和得玉璞獻楚懷王王以為欺
斬其一足

此

文山鴻豹肥脂多脂王孫獲願載福
魏魏

無註

小畜

周成之隆刑錯除凶太宰費石君子
作人

成康之際天下安寧刑措四十餘
年不用太宰即冢宰周公也

履

珪璧琮璜執贄見王百里甯戚應聘
齊秦

百里奚事秦甯越事齊

泰

穿空漏徹破壞我缺陶弗能治瓦甃
不鑿

無註

否

鴻飛循陸公出不復伯氏客宿

詩豳風九罭篇云鴻飛遵陸公歸

不復於汝信宿

同人

蝦蟇群聚從天請雨雲雷運集應其

願所

無註

大有

老弱無子不能自理為民所憂終不

離咎管子治國侯伯賓服乘輿八百

尊我恒德

管子即管仲相桓公霸諸侯

謙

蟠梅折枝與母別離絕不相知

無註

豫

盛中不絕衰者復掇盈滿減虧癡蠢
肥臍鄭昭失國重耳興立一云盛去
必衰癡去却肥鄭昭失國重耳得時
春秋桓十一年鄭莊公卒昭公入
嗣立至十七年遇弒重耳晉文公
名僖公二十四年入殺懷公而立
遂霸諸侯

隨

聞虎入邑必欲逃匿無據易德不見
藿菽終無憂患

無註

益

隨時遂便不失利門多獲得福富於
封君

無註

臨

禹作神鼎伯益銜指斧斤既折撞立
獨倚賣萬不離枯槁為禍

禹分九州收天下羨銅鑄為九鼎
以象九州伯益舜之虞官禹嘗薦
益於天後益避位箕山天下之人
不歸益而歸啓

觀

春鴻飛東以馬質金利得十倍重載
歸鄉

無註

噬嗑

金齒鐵牙壽考宜家年歲有儲貪利者得雖憂無咎

無註

賁

膏澤沐浴洗去污辱振除災咎更與福處

周禮九德之歌九韶之舞所謂沐浴膏澤而歌詠勤苦者也

夬

復階登墀高登峻巍福祿洋溢天之威

無註

復

坤厚地德庶物蕃息平康正直以綏大福

易坤卦坤厚載物德合無疆

無妄

絕域異路多所畏惡使我驚懼思吾
故處

無註

大畜

襁褓孩幼冠帶成家出門如賓父母
何憂

無註

解脫

一尋百節綢繆相結其指詰誦不能

解脫

無註

大過

鷹鷂獵食雉兔困急逃頭見尾為害
所賊

無註

坎

危坐至暮請求不得膏澤不降政戾

民惑

無註

離

剛柔相呼二姓為家霜降既同惠我

以仁

無註

咸

慈母念子饗賜得士蠻夷來服以安

王國

無註

恒

良夫孔姬脅懼登臺樂季不扶衛輒

走逃

按春秋左傳孔伯姬與其豎渾良

夫為蒯賸劫孔惺登臺衛亂李路
死焉衛輒奔宋

遜

子長忠直李氏為賊禍及無嗣司馬
失福

子長司馬遷也因言李陵事遂下
蚕室

大杜

節度在機不涉亂國雖昧無光後大
受慶

無註

晉

駘羊南行與禍相逢狼驚我馬虎盜
我子悲恨自咎

無註

明夷

尼父孔丘善釣鯉魚羅釣一舉得獲
萬頭富我家居

史記世家曰孔子名丘字仲尼少
貧賤爲養與祭或不得已而釣弋

蹇

敏捷極疾如猿集木彤弓雖調終不
能獲

無註

睽

設罟捕魚反得居諸負困竭忠伍氏
夷誅

負伍子胥名春秋哀公元年吳子
夫差伐越許越行成子胥諫弗聽
十一年吳將伐齊負諫夫差弗聽
賜屬鏹之劍以自死

家人

大根不固華葉落去更為孤嫗

無註

解

冠帶南遊與福相期徼於嘉國拜為

逢時

無註

損

年豐歲熟政仁民樂祿人獲福

無註

益

築闕石顛立基泉源疾病不安老孤

無鄰

無註

夫

逐狐東山水遏我前深不可涉失利

後便

無註

達

麟子鳳雛生長嘉國和氣所居康樂
溫仁邦多聖人

無註

萃

西行求玉冀得瑜璞反得凶惡使我
驚惑

瑜玉之美者

升

心狂老悖聽視聾盲正命無常下民
多孽

無註

困

南國少子才略美好求我長女賤薄
不與反得醜惡後乃大悔

無註

井

逶迤高原家伯妄施亂其五官

家伯周幽王臣詩曰皇父卿士蕃
維司徒家伯爲宰言幽王所以致
變異者由小人用事於外也小人
指家伯而言

革

謝恩拜德東歸吾國歡樂有福

無註

鼎

雞鳴同舉思配無家執珮持鳧無所
致之

無註

震

凶重憂累身受誅罪神不能解

無註

良

虎豹熊羆遊戲山谷仁賢君子得其所欲

無註

歸妹

海隅遼右福祿所在聚嘉蒙祉九夷何咎

語云子欲居九夷註云東方之夷有九種

豐

華首之山仙道所遊利以居止長無咎憂

泰華首陽皆山名泰華踞中土西偏謂之西嶽軒帝遊焉伯夷叔齊隱于首陽之下

旅

甲乙戊庚隨時轉行不失常節萌芽
律屈咸達生出各樂其類

無註

巽

跛躓未起失利後市不得鹿子

無註

兌

怙恃自負不去於下血從地出誅罰

失理

無註

渙

江河淮海天之都市商人受福國家

饒有

無註

節

節情省慾賦斂有度家給人足利以富貴

無註

中孚

牝牛鳴咳呼求其潦雲雨大會流成河海

無註

小過

日月之行必至無有患故

無註

既濟

乘風而舉與飛鳥俱一舉千里見吾

愛母

無註

未濟

陰醜陽爭卧木反立君子攸行喪其

官職

無註

䷵ 兌下歸妹

堅冰黃裳鳥哀悲愁不見白粒但覩
藜蒿數驚鷺鳥為我心憂

易曰履霜堅冰至又曰黃裳元吉

之乾

且順 荆木冬生司寇緩刑威權在下國亂

且順

書周官司寇掌邦禁詰姦慝刑暴

亂

坤

喘牛傷暑弗能成畝草萊不闢年歲
無有

世說滿奮畏風坐武帝琉璃屏內
奮有寒色帝問之曰臣如吳牛見

月而喘註牛畏日暑見月疑是日
故喘

屯

魚欲負流衆不同心至德安樂一云

潛伏

無註

蒙

春耕有息秋入利福戲豨大縱以樂

成功

豳風詩云三之日于耜四之日舉

趾又曰九月築場圃十月納禾稼

四章曰言私其豨獻豨于公註云

縱一歲豨豨三歲豨也

需

生有聖德上配太極皇靈建中授我

以福

詩曰克配彼天莫匪爾極言后稷
之德真可配天使我蒸民得以粒
食者莫非其德之至也書曰建中
于民又曰欽時五福用敷錫厥庶
民言建中者立中道於天下也中
者天下之所同有然非君建之則
民不能以自中而禮義者所以建
中者也

訟

右撫琴頭左手援帶凶訟不已相與
爭戾失利而歸

無註

師

炙魚枯斗張伺夜屨舌不忍味機發
爲崇竿不得去

無註

比

申酉說服牛馬休息君子以安勞者
得權

無註

小畜

堯門尹爵聖德增益使民不疲安無
休傷

尹台也正也

履

鞅公寡婦獨宿悲苦目張耳鳴莫與
笑語

無註

泰

外得好畜相與嫁娶仁賢集聚諮詢
厥事傾奪我城使家不寧

無註

否

煎砂盛暑鮮有不朽去河三里敗我
利市老牛盲馬去之何悔

無註

同人

甲乙戊庚隨時轉行不失常節萌牙
律屈歲達出生各樂其類

無註

大有

依宵夜遊與君相遭除解煩惑使心
不憂

無註

謙

死友絕朋巧言為讒覆白汚玉顏叔
哀嗜

未詳

豫

逐利三年利走如神
輾轉東西如鳥避丸

輾當作輾

隨

隄防壞決河水放逸
傷害稼穡居孤獨宿
沒溺我邑

無註

豔

陰陽隔塞許嫁不答
旄丘新臺悔往歎息

旄丘新臺皆詩篇名
旄丘責衛之不能救
黎新臺刺宣公不循
乎禮也

臨

伯夷叔齊貞廉之師
以德防患憂禍

不存

伯夷叔齊孤竹君之二子武王伐紂叩馬而諫義不食周粟隱于首陽山孔子曰伯夷叔齊餓于首陽之下民到于今稱之

觀

陽為狂悖拔劍自傷為身生殃

無註

噬嗑

進士為官不若復田獲壽保年

無註

賁

耕石不生弃禮無名縫衣失鍼襦袴弗成

無註

剥

靈龜陸處一旦失所伊子復耕桀亂

無輔

崇伊尹耕於有莘之野湯聘之進於
桀桀不能用復歸于湯

復

室當源口溺漂為海財產單盡食衣

無有

無註

無妄

雞方啄粟為狐所逐走不得食惶懼

喘息

無註

大畜

家在海隅繞旋深流豈敢憚行無大

以趨

無註

頤

他山之儲與環為仇來攻我城傷我
飢膚國家騷憂

飢當作肌

大過

弊鏡無光不見文章少女不嫁弃於
其公

無註

坎

大虵巨魚相搏於郊君臣隔塞郭公
出廬

春秋狄人伐衛衛立戴公廬曹作廬

離

絕世無嗣福祿無存精神渙散離其
躬身

無註

咸

文君之德養仁致福年無胎天國富
民實憂者之望增參盜息

此言文王之德蓋周家積功累仁
斂時五福民無夭札國家阜豐人
安盜息焉增參未詳

恒

合歡之國喜為我福東嶽南山朝躋
成息

東嶽五嶽之一南山即南嶽衡山

漸

憂人之患履悖易顏為身禍殘率身
自守與喜相抱長子成老封受福祉
無註

大壯

太公避紂七十隱處卒受聖文為王

室輔

初太公隱于屠釣後遇文王遂興周室

晉

江漢上流政逆民憂陰伐其陽雌為雄公

無註

明夷

縮緒亂絲舉手為災越畝逐兔喪其衣袴

無註

家人

臭穢腐水與狼相輔亡夫失子憂及

父母

無註

睽

剗羊不當女執空筐兔跛鹿蹄緣山
墜墮譏佞亂作

易歸妹上六女承筐無實士剗羊
無血無攸利傳曰女當承事筐籠
無實則無以祭士剗羊無血亦無
以祭也

蹇

技劍傷手見敵不善良臣無佐國憂

爲咎

無註

解

三殺五牂相隨俱行迷入空澤循谷
直北經涉六駁爲所傷賊

無註

損

爭雞失羊亡其金囊利得不長陳蔡

之患賴楚以安

史記孔子在陳蔡之間楚使人聘之孔子將往拜禮陳蔡大夫謀曰楚若用孔子則陳蔡大夫危矣於是乃相與發徒圍孔子於野不得行絕糧使子貢至楚楚昭王興師迎孔子然後得免

益

三驢負銜南芷取香秋蘭芬馥盈滿神匱利我仲季

無註

夫

孟夏巳丑哀呼尼父明德訖終亂虐茲起

春秋哀公十六年四月巳丑孔子卒

姤

履不容足南山多華家有芳蘭乃無病疾

無註

萃

三足無頭弗知所之心強睛傷莫使為明不見月光

無註

升

戴堯扶禹松喬彭祖西過王母道里夷易無敢難者

堯唐帝名禹夏禹妣姓赤松王喬彭祖皆古仙人名王母亦神仙也

困

式微式微憂禍相絆隔以崑山室家分散

式微詩篇名黎侯寓于衛其臣勸以歸也

井

靈龜陸處一旦矢所伊子復耕桀亂無輔

伊尹耕於有莘之野湯聘之進於桀桀不能用復歸于湯

葦

仁德覆洽恩及異域澤被殊方禍災隱伏蚤不作室寒無所得

無註

鼎

夏麥麩麩霜擊其芒疾君敗國使年天傷

麩音孚麩古猛切

震

火雖熾在吾後寇雖多出我右身安
吉不危殆

無註

遠遼絕路客宿多悔頑囂相聚生我
畏惡

無註

懸懸南海去家萬里飛兔裏駿一日
見母除我憂悔

無註

豐

困而後通雖危不窮終得其願姬姜
相從

周公姬姓太公姜姓周公以二叔
流言居東山太公避紂釣于渭濱

旅
二人同輔周室

西賈巴蜀寒雪至轂欲前不得還反
室屋

巴蜀地名也

巽

作新初陵爛陷難登三駒推車躓頓
傷頓

無註

兗

延頸望酒不入我口深目自苦利得
無有幽人悅喜

無註

渙

仲春孟夏和氣所舍生我喜福國無
殘賊

無註

節

張羅捕鳩克離其災雌雄俱得為買
所賊

無註

中孚

三人俱行一人言北伯仲欲南少叔
不得中路分爭道闕相賊

無註

小過

然諾不行欺給誤人使我露宿夜歸
温室神怒不直鬼欲求獨刺擊其目
反言自賊

無註

既濟

陳辭達誠使安不傾增祿益壽以成

功名

無註

未濟

火燒公床破家滅亡然得安昌先憂

重喪

無註

豐 離下震上

諸孺行賈經涉大阻與杖為市不憂

危殆利得十倍

無註

之乾

鼎足承德嘉謀生福為王開庭得心

所欲

無註

坤

曳綸河海釣挂魴鯉王孫利得以饗

仲友

無註

屯

東山臯洛畔逆不服興師征討恭子
敗覆

按春秋魯閔公二年晉侯使太子
申生伐東山臯落氏僖公二年驪
姬譖申生十二月戊申縊于新城

蒙

千里駢駒為王服車嘉其麗榮君子
有成

無註

需

二龍北行道逢六狼暮宿中澤為禍
所傷

無註

訟

天災所遊凶不可居轉徙獲福留止
危憂

無註

師

狐狸雉兔畏人逃去分走竄匿不如
所處

如當作知

比

兩師娶婦黃巖季女成禮既婚相呼
南去膏潤下土年歲大有

博物志曰太公為灌壇令武王夢
婦人當道夜哭問之曰吾是東海
神女嫁於西海神童今為灌壇令
當道廢我行我行必有大風疾雨
武王覺召太公問之果有疾風暴

兩從木公邑外過

小畜

外栖野鼠與雞爲伍瘡痍不息即去其室

無註

履

天命絕後孤傷無主彷徨兩社獨不得酒

兩社春與秋二社祭也

泰

鵠思其雄欲隨鳳東順里羽翼出次須日中苗北邑復反其室

前卦里作理苗作留

否

蝼虵九子長尾不殆均明光澤燕自受福

未詳

同人

日走月步趨不同舍夫妻反目君主失國

易小畜卦與脫輻夫妻反目

大有

宣房戶室枯期除毒文德淵府害不

能賊

無註

謙

齊東郭盧嫁於洛都駿良美好謀利過倍

齊棠公之妻東郭偃之姊也

豫

病篤難醫和不能治命終期訖下即蒿里

春秋晉侯有疾求醫於秦使醫和視之曰疾不可為也公遂卒蒿里挽歌也

隨

開廓緒業王迹所起姬德七百報以八子

春秋定公四年傳云武王之母弟八人周公為太宰康叔為司寇聃季為司空五叔無官五叔即管蔡成霍毛也周定鼎郊廓卜年七百卜世三十

蠱

豐年多儲江海饒魚商客善賈大國富有

臨

無註

鵠求魚食過彼射邑增加我頭繳掛
羽翼欲飛不能為羿所得

羿古之善射者

觀

望城抱子見邑不殆公孫上堂大君

歡喜

無註

噬嗑

左指右麾邪淫侈靡執節無良靈公
以亡

按左傳陳靈公通于夏姬遂為徵
舒所害

賁

日中為市各持所有交易資賄函珠
懷寶

周易繫辭日中為市致天下之民

聚天下之貨交易而退各得其所
蓋取諸噬嗑

刺

山没丘浮陸為水魚鼈雀無麇

無註

復

馬服長股宜行善市蒙祐諧偶獲利
五倍終日在市詰朝獲利既享嘉福
得之以義

無註

無妄

三狸捕鼠遮遏前後死於環域不得
脫走

無註

大畜

鬼舞國社歲樂民喜臣忠於君子孝

於土
古者國有大社祀用仲春上戊戊
屬土也

順

慈母憂果遠未已久客外野我心
悲苦

無註

大過

兩師娶婦黃巖季子成禮既婚相呼
南去膏潤下土年歲大有

博物志曰太公為灌壇令武王夢
婦人當道夜哭問之曰吾是東海
神女嫁於西海神童今為灌壇令
當道廢我行我行必有大風疾雨
武王覺召太公問之果有疾風暴
雨從太公邑外過

坎

百狗同室相噬爭食枉矢西流射我
暴國高宗鬼方三年乃服

周易既濟卦九三爻曰高宗伐鬼

方三年克之小人勿用

離

早霜晚雪傷害禾麥搶功弃力飢無

可食

無註

咸

腐臭所在青蠅集聚辯變白黑敗亂

邦國君為臣逐失其寵祿

詩青蠅篇營營青蠅止于棘讒人

罔極此言幽王聽讒敗國後被犬

戎所逐

恒

牽羊不與心戾旋聞言語不畜誤紹
丈人

未詳

遯

甘忍利瘡還相克賊商子造刑鞭喪
厥身

秦孝公用衛鞅定變法之令封鞅
商於十五邑號曰商君及惠公立
車裂以徇鞅

大壯

剗羊不當女執空筐兔跛鹿躋緣山
墜墮

周易歸妹上六女承筐無實士剗
羊無血無攸利傳曰女當承事筐
筐無實則無以祭士剗羊無血亦
無以祭也

晉

翻翻醫醫貧鬼相貴無有權怡一日

九結

翻玉篇無醫倪結切噬也

明夷

兩是四翼飛入嘉國寧我伯姊與母

相得

無註

家人

天山紫芝藥決朱草長生和氣王以

為寶公尸侑食福祿來處

芝靈草土和則生朱草百草之精

也王者德無所不通則生食之令

人不老又見驚詩公尸燕飲福祿

來成

睽

絕世遊魂福祿不存精神渙散離其
躬身

易繫辭精氣為物遊魂為變

蹇

北辰紫宮衣冠立中含和建德常受
大福

北辰北極天之樞也按漢天文紫
宮為皇極之居中立而四方之所
取正焉

解

伯蹇叔瘖莫與守株矢我衣裘代爾
陰鄉

未詳

損

兩女共室心不聊食首髮如蓬憂常
在中

無註

益

去辛就亥毒愈苦甚避穽遇坑憂患

日生

無註

夬

初病終凶季為死喪不見光明

無註

姤

三鳥飛來自到逢時俱行先至多得

大利

無註

萃

鹿食山草不思邑里雖久無咎

無註

升

羊腸九縈相推稍前止須王孫乃能上天

趙險塞名其形屈辟如羊腸

困

管仲遇桓得其願權膠牢振寇寇帶無憂笑戲不莊空言妄行

鮑叔舉管仲於齊桓公任以為相

寇當作冠

井

桀跖並處民困愁苦行旅遲遲留連

齊魯

無註

韋

魂孤無室銜指不食盜張民餌見敵失福

無註

鼎

讒言亂國覆是爲非伯竒乖難恭子

憂哀

伯竒尹吉甫之子以後母之譖而
被黜恭子即申生晉獻公之子亦
以驪姬之讒而見逐焉

震

衛侯東遊惑於少姬亡我考妣久迷
不來

未詳

艮

雞鳴同興思邪無家執珮持鳧莫使
致之

無註

漸

義不勝情以欲自榮覬利危寵摧角

折頸

無註

歸妹

臣尊主卑擁力日衰侵奪無光三家

逐公

春秋昭公二十五年九月戊戌伐

季氏叔孫氏孟氏救之三家反攻

公已亥公孫于齊次于陽州

旅

叔仲善賈與喜為市不憂危殆利得

十倍

無註

巽

六虵奔走俱入茂草驚於長路畏懼

啄口

無註

兌

水壞我里東流為海鳥蟲謹置不得安居

蟲音蜂

渙

飛不遠去卑斯內侍祿養未富

無註

節

陰變為陽女化為男治道大通君臣相承

無註

中孚

踐履危難脫厄去患入福喜門見誨大君

無註

小過

臺灣國家圖書館 NATIONAL CENTRAL LIBRARY, TAIWAN R.O.C.

罟密網縮動益蹶急困不得息

無註

既濟

負牛上山力劣行難烈風雨雪遽逼
我前中道復還

無註

未濟

喁喁嘉草思降甘雨景風升上沾洽
時澍生我禾稼

無註

☵☲
旅

羅網四張鳥無所翔征伐困極飢窮

不食

無註

之乾

寄生無根如過浮雲立本不固斯須

落去更爲枯樹

無註

坤

人無定法緩降牛出虵雄走趨陽不
制陰宜其家國

未詳

屯

衆鳥所聚中有大怪九身無頭魂驚
魄去不可以居

未詳

蒙

封豕溝瀆灌瀆國邑火宿口中民多
疾病

春秋昭公七年昔有仍氏生女樂
正后夔取之生伯封實有豕心貪
婪無厭謂之封豕

需

奮翅鼓翼翔外國逍遙徒倚來歸

溫室

無註

訟

秋蚕不成冬種不生殷王逆理弄其

寵榮

殷紂無道罷萬民之力遂亡其國

師

衛侯東遊惑於少姬忘我考妣久迷

不來

未詳

比

鳥合卒會與惡相得鷓鴣相酬為心

所賊

鷓鴣鷓鴣惡鳥攫鳥子而食者也

小畜

鳴雞無距與鵠格鬪翅折目盲為仇
所傷

無註

履

木生內蠹下上相賊禍亂我國

無註

泰

延陵適魯觀樂太史車駢白顛知秦
興起卒兼其國一統為主

史記吳季札號延陵季子聘上國
觀樂于周詩有車鄰鄰有馬白顛
鄰鄰車聲白顛額有白毛是時秦
始有車馬故知其興起也

否

輔相之好無有休息時行雲集所在